

章邱縣志

列女

第五冊

章邱縣志卷之十二

列女志

閨門者風化之原故六經之文垂爲婦誠者
十之三焉窮巷女子生不知學問而艱貞節
烈貫金石而凜冰霜往往爲士君子所不能
者豈非發於性者然哉作列女志

節婦

唐盧氏房元齡妻初元齡微時病且死謂盧曰吾病
革爾年少不宜寡居善事後人盧泣入帷剔一

目以見志會元齡愈禮之終身封梁國夫人

登記號 66573

37年2月1日

912/12
0072
5

按盧氏非孤身守志而唐書特列於烈女志

中以其事已烈也今故仍之

元劉氏尙時中妻泰定四年建坊

尙府志作盛

王氏張士宏妻

舊志失載今據張友諒碑增補

王氏游貞妻

王氏劉聚妻

已上二人天歷二年旌表

晉氏馬榮妻至順二年旌表

王氏趙讓妻至正壬午旌表

明華氏劉瑁妻

呂氏鞏朴妻

逯氏唐介妻

徐氏劉巨相妻二十歲寡子劉賓尙在襁褓乃以

大義自斷事其翁姑及其祖姑孝養各至賓娶

袁氏亦以孝稱方賓之病也左膊剪肉二寸以

療之竟不能起生子亦在襁褓旋夭折祖翁覓

一子接其乳恩養不啻己出後撫憲劉直指毛

各有扁言米帛羊酒獎資於其家

徐氏已見舊志今據閒居

集劉門雙節序增補

齊氏劉巨宦妻

據閒居集增補

明氏謝九道妻

劉氏王鳴鳳妻

鄭氏季泰妻

李氏謝九棘妻

已上嘉靖間表揚

于氏逮經生妻夫亡足跡不出門嘗三日不舉火
鄰人饋之粟却不受告之官官爲遺米一石方
得存活嘉靖間長清知縣武金過境武固遺腹
子廉于苦節狀登門求見于堅拒之武拜於門

外嘆息而去

于氏歲貢生于翰
女見聞居集本傳

弭氏于躋妻躋歿無子家貧苦守非績紡縫紉所
獲雖至親饋遺亦不受弭有姊富家婦憐其衣
敝爲製白布衣一襲弭曰我嫠婦不出戶衣敝
何害竟卻之

高氏楊進妻隆慶間表揚

夏氏監生郭蘭妻二十一歲寡養姑訓子守節四
十餘年直指毛公匾其門曰貞節

魏氏諸生李黃中妻二十二歲寡守節至八十四
歲直指毛公匾其門曰苦節

江氏李重光妻

張氏邛金妻曾經察院表揚

畢氏周一相妻

李氏諸生潘雨田妻二十二歲寡養親撫孤守節

七十年

馬氏諸生劉思仁妻二十歲寡撫孤守節四十餘

年

姜氏王遜妻二十三歲寡撫孤守節四十餘年

李氏孫韋妻二十八歲寡苦節以終

劉氏韓士元妻劉太常祿女十九歲寡孝翁姑撫

幼子皆取給於紡紵壽至八十五歲

謝氏趙夢璧妻早寡撫孤守志五十餘年崇禎間
旌獎

夏侯氏李君侍妻縉徵縉明縉益之曾祖母君侍
歿時年二十歲遺二子長宦次實夏侯撫孤成
立守節六十年崇禎間建坊旌表

郭氏王際運妻早寡遺一子家貧無以自給其姑
欲嫁之矢志不改後子死艱辛養姑二十餘年
邑人張光啟爲之傳

馬氏高必上妻知縣馬以閑女十七歲適必上一
年而寡苦節四十六年

蘇氏山西都司斷事魯國春繼妻十五歲寡守節

八十餘年

夏氏謝恒光妻崇禎年表揚

據採訪並謝氏族譜增補

國朝

李氏謝孔集妻順治年邑令扁獎

據採訪並謝氏族譜增補

韓氏諸生李熙妻十六歲寡事七旬翁姑撫遺子

成立康熙年有司扁獎

張氏劉源泮妻二十九歲寡家貧子在襁褓撫之

成立及得孫而子亡得曾孫而孫又亡茹荼集

蓼苦節以終

郭氏江西永新縣知縣焦毓慶妻毓慶之官郭留

家中奉舅姑撫諸子及毓慶殉難郭矢志堅貞
仰事俯育者五十載康熙五十三年 旌表

袁氏吏部文選司主事潘颺言妻幼淑惠其父授
以女經內則及五七言詩輒能領會十九歲歸
颺言時吳逆未靖颺言効用軍前所生三子俱
幼袁辛勤撫育家政肅清年二十九夫歿守節
四十餘年

劉氏郡庠生張鐸妻二十七歲寡撫孤成立五十
年如一日康熙年有司扁獎

高氏牛廷英妻二十三歲寡家貧子幼苦節三十

餘年邑令張旌其門

鄭氏李楷妻十九歲寡繼姑性暴鄭委曲承歡始終無間言夫弟琴幼失恃撫之成立歲大祔有
覃氏母子數日不舉火鄭每周給之

皇甫氏張獻箴妻二十二歲寡遺孤方三歲事親
訓子備極勤劬邑令馬旌其門

李氏諸生郭文燦妻早寡苦節六十餘年邑令張
旌其門

張氏高大本妻二十六歲寡上事孀姑下撫二子
守節五十餘年邑令馬旌其門

紀氏王禎妻十九歲寡孝事孀姑守節七十四年
張氏喬士安妻十八歲寡子深甫三歲事姑盡孝
姑年至九十有三張年七十七邑令張旌其門
宋氏李孔曾妻十八歲寡子又白生甫四月後又
白拔貢成均宋壽逾八旬邑令戴旌其門

夏氏宋蘊之妻十九歲寡撫遺腹子宏先守節以
終邑令張旌其門

呂氏諸生郭如龍妻因遭兵亂如龍遇害呂年二
十三歲扶姑携子避難深山又值荒歲衣食不

給日事紡績以養姑育子有司旌其門

郭氏明倫妻遭兵亂倫遇害郭年十八歲抱三歲
幼子避難山中堅守苦節壽至八十二歲有司
旌其門

溫氏紀廷柱妻二十六歲寡以姪盛午爲嗣時方
襁褓撫如已出事姑能得歡心其後姑歿盛午
本生母亦歿溫喪葬如禮守節五十三年盛午
舉康熙庚子副貢溫猶及見之

張氏程汝魯妻二十四歲寡遺孤方五歲家貧日
夜紡績養姑教子苦節五十八年邑令馬旌其

門

李氏木聰妻

韓氏甯敬修妻

已上二人俱康熙年旌表

劉氏李增妻拔貢潭之女二十二歲寡家貧撫孤
恒數日不舉火壽至九十餘雍正間邑令馬旌
其門

焦氏貢生胡瀟妻稽勲司郎中焦毓棟女二十一
歲寡以姪予孜爲嗣敬事衰翁十一年翁歿殯
葬如禮守節五十餘年邑令毛爲之傳雍正十

三年建坊旌表

葉氏吏員張有智妻二十六歲寡遺子甫一歲撫之成立苦節三十四年邑令毛旌其門

賈氏康彩鳳妻十九歲寡守節七十餘年雍正庚子孫浩謀領鄉薦邑令毛旌其門

耿氏李進祥妻二十五歲寡苦節三十七年建坊旌表

謝氏李篤恭妻二十八歲寡奉翁姑撫幼子翁膺中癘症謝日夕拜禱三年而愈守節六十年

李氏貢生甯祖貽妻姑韓氏甯敬修妻中年而寡苦節夙著李年二十八歲寡姑婦同貞撫子成

立

高氏候選太常寺主簿焦舜同妾舜同歿時高年二十四歲守節五十餘年

孟氏焦士麟妻十七歲寡無子女孝翁姑苦節三十餘年

李氏宋大經妻二十六歲寡翁姑繼逝家貧甚一日省其父母偶語及守志之難李卽歸自是母家有所饋遺皆不受苦節四十餘年

李氏輦萬元妻歲貢生李克伸女于歸後其姑患消食病李先意承志竭力奉養者數年姑亡萬

元以哀毀歿時年二十六子甫二歲未幾翁又
病疽李調護惟謹後與夫弟分炊推多取少以
廉讓聞學憲徐扁獎之

高氏李秋桂妻二十歲寡遺孤在襁褓家貧甚高
奉衰姑撫弱息苦節三十餘年

胡氏郭士綸妻士綸素患瘵于歸之夕異室而居
月餘夫歿胡矢志終身邑令于旌其門貢士趙
浩爲之傳

牛氏劉夢發妻二十一歲寡苦節三十餘年

張氏李覺妻夫亡無子事姑孝完節以終邑令張